

RJEŠENJE
O IMENOVANJU INTERRESORNE RADNE GRUPE ZA
DONOŠENJE ODLUKA NA PROSTORU FEDERACIJE
BOSNE I HERCEGOVINE

I. Sastav

Imenuje se Interresorna radna Grupa za donošenje odluka na prostoru Federacije Bosne i Hercegovine (u daljnjem tekstu: Grupa za donošenje odluka) u sastavu:

1. Biljana Rajić, predsjednik, (Ministarstvo vanjske trgovine i ekonomskih odnosa BiH);
2. Almir Beridan, član, (Ministarstvo sigurnosti BiH);
3. Zijada Redžić, član (Federalno ministarstvo poljoprivrede, vodoprivrede i šumarstva);
4. Zineta Mujaković, član (Federalno ministarstvo okoliša i turizma);
5. Aida Vilić-Švraka, član (Federalno ministarstvo zdravstva);
6. Nezafeta Sejdić, član (Agencija za vodno područje rijeke Save);
7. Mirko Šarac, član (Agencija za vodno područje Jadranskog mora);
8. Enes Memić, član (Federalna uprava civilne zaštite).

II. Zadatak

Zadatak Grupa za donošenje odluka iz tačke I ovog Rješenja je:

- da odlučuje o poduzimanju potrebnih mjera;
- da koordinira i prati provedbu mjera nad širenjem i otklanjanjem posljedica zagađenja voda i vodnog dobra;
- da vrši procjenu i uviđaj o vrsti i intenzitetu zagađenja sa imenovanim članovima Ekspertne grupe, unutar i izvan granica Federacije BiH;
- da na terenu utvrdi uzrok i počinitelja incidentnog zagađenja;
- da procijeni posljedice i šteta nastalog zagađenja;
- predloži potrebne mjere sanacije u skladu sa operativnim planovima subjekta koje je izazvalo zagađenje;
- daje prijedlog mjera za sprječavanje širenja i otklanjanje posljedica incidentnog zagađenja.

Grupa za donošenje odluka iz tačke I ovog Rješenja obavlja i sva ostala zaduženja navedena u Federalnom operativnom planu za incidentna zagađenja III stepena ugroženosti u Federaciji Bosne i Hercegovine.

III. Sjedište

Sjedište Grupa za donošenje odluka je u nadležnoj agenciji za vode, gdje će se obavljati i administrativno tehnički poslovi za potrebe Interresorne radne Ekspertne grupa.

IV. Organiziranje rada

Predsjednik Grupa za donošenje odluka je dužan sazvati sve članove komisije radi organiziranja aktivnosti koje su definisane Federalnim operativnim planom za incidentna zagađenja III stepena ugroženosti u Federaciji Bosne i Hercegovine.

Imenovanje predsjednika i članova Grupa za donošenje odluka se vrši za period od minimalno jedne godine i objavit će se u "Službenim novinama Federacije BiH".

V. Naknada za rad

Naknadu za rad predsjednik i članovi Grupa za donošenje odluka ostvaruju nakon usvojenog Izvještaja od strane federalne ministrice okoliša i turizma u organu državne službe u kojem su zaposleni, a ispred koje su imenovani u skladu sa Uredbom o načinu osnivanja i utvrđivanja visine naknade za rad radnih tijela osnovanih od strane Vlade Federacije Bosne i Hercegovine i

rukovodilaca federalnih organa državne službe ("Službene novine Federacije BiH", br. 48/14, 77/14, 97/14 i 58/15).

VI. Stupanje na snagu

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 04-23-476-III/19
21. septembra/rujna 2020. godine
Sarajevo

Ministrica
Dr. Edita Đapo, s. r.